

---

Гриш САШ

## Надея збыльмө

1

Шондіа. Жар.  
Ымрөдлө төв.  
Гыяс шөйтисны  
Сю саридз кузя.  
Ми пурысьөд тувччалам  
Кыв шутөг — чөв.  
А синъясным бокъясас  
Дзоргисны сюся.

Өтарын му,  
И мөдарын му.  
Сывйыштны  
Синъяс оз судзны.  
Нөрысын —  
Копрасьө розъялысь сю,  
А öзынын —  
Уска ид сільгө.

Сю саридз матушка,  
Вайлы мем кыв!  
Көн тэнад помыд?  
Кытөні шөрыд?  
Неваж-на татшөма  
Төвкөд эн сыв.  
Неваж-на татшөма  
Төвкөд эн гыась.

А талун со синлы  
Оз тыдав пом.

---

Вөр бердөдз быттьөкө  
Пöльыштан öтчыд...  
Тоньöйлөн сёрнитны  
Калькмуні вом,  
А чужом дзиб вывсьыс  
Нимкодълун тöдчис:

— Аддзан тэ, Öльöксан?  
Со гызьöма сю.  
Кылан-ö кышöдчөм  
Кузь уска идлысь?  
Веськыда саридз,—  
А абу нин му...  
Шепъясыс — пудъяöсь,—  
Кинад кöть видлы.

Со эстөні тöрыт на  
Нюжвидзліс бор,  
Көн ситурун сөгъявліс —  
Ас муöс видзысь.  
А талун со  
Öти му лоöма сёрд,  
И помöдзыс синмыд  
Оз сидзав.

Ми тулыссянь нуöдім  
Вöвлытöм тыш:  
Мед ыджыдсьыс-ыджыдöс  
Урожай босьтны.  
Гöригөн-көдзигөн  
Мудзтыштліс мыш.  
Мед шудлунлысь  
Öдзöссö вöсьтны.

И ме пытшкын  
Тыр вына надея эм:  
Лунуджсö артавны  
Квайт кило няньön,  
И смелпырысь та йылысь  
Гарала тэн...  
И сідзи жö гаралö  
Парторг — Миш Ваньö.

Кузь уска иданöй,  
Сьыв жö тэ, сьыв!  
Тыр шепта саридзöй,  
Гыась жö, гыась!  
Кор колхозник чукöстас —  
Збой вочакыв —  
Ыджыд урожайön тэ шыась!

Му весьтын —  
                     Сап пемыд вой.  
 Енэжын —  
                     Кодзувъяс лыдтөм.  
 Ме восьлала бор кузя...  
                     И друг кыла:— С-т-о-ой!..  
 И пемыд пыр  
                     Вуджөртіс ружійө.

— Тоней друг,  
                     Эн мөй нө төд?  
 Али нө вунөдін менө?  
                     Өд гусясьны татчө эг мөд,  
 А видлыны тэнө.

                    Миян сэк водзсасьліс ки  
 Кывлывлөм, гөлөс шы  
                     Визувтны мөдіс:  
 — Гожөмнас, буракө,  
                     Аддзысьлім ми,  
 А талун нин  
                     Аддзысим мөдысь...

...Помнитан?  
                     Кажитчө, шуи тэд кыв:  
 «Лунуджсө артала  
                     Квайт кило няньөн».  
 А талун нин надейтчөм  
                     Лоома збыль.  
 Збыльмис стөч горалөм  
                     Парторг Миш Ваньлөн.

Талун со төв улын  
                     Оз копрась сю.  
 Уска ид төвкөд  
                     Оз сільгы.  
 Вартөм нянь вөрөксө  
                     Враг мед эз гу —  
 Синмөс моз мөдөдчи видзны.

                    Квайт дас во корсьыси шуд:  
 Посьсө и көдзыдсө  
                     Пыклөма мыйдтөм!  
 Няньыд кө воліс  
                     Нелямын пуд  
 Нель душа семьялы —  
                     Сійө нин уна!

Көм новлі —  
                     Бок вылө таялөм кок.

---

Паськөмөй —  
Сё дөмаса дукөс.  
Дашкө нө, чайтан тэ —  
Вөвлі ме дыш?  
Горт шөрө шондід  
Некор эз сулыв!

Өні со паськөмөй ной.  
Кок пыдди —  
Пидзөсөдз сапөг.  
Коркө моз  
Кыдъя нянь Тоньой оз сөй!—  
А пирөг да лапө.

Лунуджыс ме вылын  
Кыксё нин эм.  
Дай нөшта өд  
Уна на босьта.  
Ноко, вай артыштлы... мем —  
Шудлунлөн өдзөсыс восьса!

Со кытчө вайөдіс  
Нуөдөм кось,  
Со кытчөдз вайөдіс  
Көсйөм да надея.  
А славасө —  
Аслым ог босьт:  
Өд ме эг вөч сйөс,—  
А Ленинскөй партия.  
Партия сетіс мем шуд  
Да морт ногөн овны тыр права.  
И куш өтнамлы квайтымын пуд  
Лунуджъяс вылө артавсө таво.

(«Вөрлэдзысь», 1934,  
сентябрь 28 лун)

